

Headlines

- उपराज्यपाल मनोज सिन्हा होरें आखेआ ऐ जे सरकार जम्मू कश्मीर गी राज्य दा दर्जा दोआने लेई पूरे जतन करोग ।
- जम्मू स्मार्ट सिंजी लिमिटेड नै खानपुर नगराटा च इक " वेस्ट टू वंडर पार्क" दे निर्माण दी मंजूरी देई दिक्ती ऐ । तवि रिवर फ्रंट प्रोजेक्ट गी मुकम्मल करने लेई 15 जनवरी दी मयाद तैह कीती ऐ ।
- जम्मू कश्मीर बैंक दा आखना ऐ जे सरकारी हुकमै मताबक जांच प्रक्रिया ते औपचारिकता मुकम्मल करी लैने आले पेंशनरें गी हुन "लाईफ सर्टिफिकेट" देने दी लोड़ नेई ऐ, पर इआं नेई करने आलें दी पेंशन नवम्बर म्हीने कोला रोकी दिक्ती जाग ।
- प्रधानमंत्री नरेन्द्र मोदी होरें कनाडा च मंदरें पर होआ'रदे हमले दी सख्त निंदेया करदे होई कनाडा दी सरकार गी आखेआ ऐ जे ओह न्याय ते कनूनी दा शासन जकीनी बनान ।

<><><><><><>

JK Assembly

केन्द्र शासत प्रदेश जम्मू कश्मीर दी विधानसभा दा पैहला इजलास कल श्रीनगर च शुरू होआ । इस मौके पर उपराज्यपाल मनोज सिन्हा होरें आखेआ जे जम्मू कश्मीर सरकार प्रदेश दे लोकें दी आसैं-तांगें गी पूरा करने लेई वचनबद्ध ऐ । इस दरान उपराज्यपाल होरें एह बी आखेआ जे जम्मू कश्मीर गी राज्य दा दर्जा परतियै ब्हाल करने दी तांग मजबूत ऐ ते प्रधानमंत्री नरेन्द्र मोदी होरें केइएँ मौके पर इस सरबंधें च अपनी प्रतिबद्धता गी पक्का कीता ऐ, जेहदे कन्नै लोकें दे मन्नै च जकीन ते आस बनी दी ऐ । उनें भरोसा दोआया जे चंदी सरकार राज्य दा दर्जा परतियै ब्हाल करने लेई हर जरूरी जतन करा'रदी ऐ । एहदे शा पैहले 5एँ दिनें तगर चलने आले इस इजलास दे पैहले दि नदी शुरूआत नैशनल कांफ्रेंस दे वरिष्ठ नेता अब्दुल रहीम राथर होरें गी सब्बने दी सैहमति कन्नै विधानसभा दा स्पीकर चुनने दे कन्नै होई । सदन च उसलै हंगामे आली सिंति बनी गई जिसलै पीडीपी दे विधायक आस्सेआ दफा 370 हआए जाने दे खलाफ प्रस्ताह सदन च पेश कीता गेआ । एहदे पर बीजेपी दे सदस्यें त्रिक्खी प्रतिक्रिया दिक्ती । मुख्यमंत्री उमर अब्दुल्ला होरें प्रस्ताह गी खारज करी दिक्ता ते आखेआ जे एह छड़ा सुर्खिएँ च रौहने लेई कीता गेआ ।

<><><><><><>

नमें बनाए गेदे जम्मू कश्मीर बीजेपी अध्यक्ष सत्त शर्मा होरें सोमवारें आखेआ जे बीजेपी हर चाल्ली दे राष्ट्र विरोधी ब्यानद । सख्ती कन्नै विरोध करने लेई प्रतिबद्ध ऐ ते ओह पार्टी अध्यक्ष दे तौर पर जम्मू ते कश्मीर दौनें क्षेत्रें दे बरोबर विकास लेई कम्म करगंन। जम्मू च पार्टी दी जिम्मेदारी सीाने मगरा शर्मा होरें आखेआ जे बीजेपी दे 28 विधायक दे पार्टी दे कार्यकर्ता केन्द्र शासत प्रदेश दे हितें गी नुक्सानउ पताने आले खलाफ मकाबला करने दे हर जरूरी जतन करगंन। बीजेपी दे साबका प्रदेश अध्यक्ष रविन्द्र रैणा बी दफा 370 गी परतिचै आनने आस्तै जम्मू कश्मीर विधानसभा च प्रसताह पेश करने दा कथित दावा करा'रदे प्रदेश नेताएं पर लोकें गी गुमराह करने दी कोशश करने दा नशाना सादया ऐ। उनें आखेआ कीजे एह मामला राजसय विधानसभा दी हदै च नेई आंदा, इस करी विधानसभा च दफा 370 पर चर्चा करने दी गल्ल करने आले घाटी दे लोकें दे इक तबके गी गुमराह करने दी कोशश करा'रदे न।

<><><><><><>

Congress Chief Whip

अखिल भारतीय कांग्रेस कमेटी जम्मू कश्मीर विधानसभा च विधायक बांडीपोरा निजामुद्दीन भट्ट होरें गी पार्टी दे चीफ विव दे तौर पर नियुक्त कीता ऐ। कमेटी दे जनरल सैक्रेटरी के.सी.वेणुगोपाल होर भट्ट होरें गी नियुक्त करदे होई उनेंगी पार्टी दे बचार विधानसभा च पेश करने दा अधिकार दित्ता।

<><><><><><>

Smart City

जम्मू स्मार्ट सिटी लिमिटेड नै नगरोटा खानपुर च “वेस्ट टू वंडर पार्क” जेहदे च कूड़े ते बेकार चीजें दा इस्तेमाल करी इक पार्क बनाने दी मंजूरी देई दित्ती ऐ। एह फैसला कल इक बैठक दरान लैता गेआ जेहदे च जम्मू दे डिवीजनल कमीशनर ते जम्मू स्मार्ट सिटी लिमिटेड दे डरैक्टरें दे बोर्ड दे सदस्य शामिल हे। बैठक दरान एह जानकारी बी दित्ती गई जे तवि रिवर फ्रंट विकास परियोजना तैह् 88 फीसद शा बद्ध कम्म सबूरा करी लैता गेआ ऐ। इस सरबंघें च डिवीजनल कमीशनर होरें मुत्तलका धड़ेंग ी तवि दे खब्बै कंडे आला कम्म सबूरा करने दी समें सीमा 30 दिसम्बर 2024 तैह् कीती ऐ जिसलै के सज्जे कंडे दी समें सीमा 15 जनवरी 2025 तैह् कीती ऐ। बैठक च जम्मू स्मार्ट सिटी लिमिटेड दे सीईओ देवांश यादव, पुलस दे एडीजीपी आनंद जैन, जम्मू दे डिप्टी कमीशनर सनें जेएससीआई दे होरने मुत्तलका अफसर बी मजूद हे।

<><><><><><>

उधमपुर ते रियासी जिले च टीबी दे मरीज निक्षय पोषण योजना तैहत लाह हासल करा'रदे न। इस सरकारी योजना तैहत टीबी दे मरीजें गी हर म्हीने 500 रपे दित्ते जंदे न तां जे ओह इलाज दरान खने पीने दा साजो समेयान खरीदी सकन। एह सकम सिद्दे उंदे बैंक खाते च जमा कीती जंदी ऐ। आकाशवाणी संवाददाता कन्नै गल्ल करदे होई उधमपुर दे टीबी अस्पताल दे हैड डॉ. अनिल सलोच होरें आखेआ जे रियासी ते उधमपुर जिले च टीबी दे मरीजें च 29 प्रतिशत दी कमी आई ऐ। होर मती जानकारी दिंदे होई डॉ. अनिल सलोच होरें आखेआ

<><><><><><>

Rajouri

राजौरी दे जिला विकास कमीशनर अभिषेक शर्मा होरें कल दंदेसर च 7 करोड़ 19 लक्ख रपे दी लागत कन्नै तैआर कीते जा8रदे पानी साफ करने लेई तेजिया कन्नै रेत छानने आले रैपिड सैंड फिल्ट्रेशन प्लांट दा दौरा करियै जारी कम्मं दा मुआयना कीता। इस मौके उनें इस परियोजना दे महत्वै पर लोह पांदे होई अधिकारिएं गी आखेआ जे कम्मै गी मित्थे गेदे समें दे अंदर—अंदर मुक्कमल करने लेई कम्मै दी रफ्तार च तेजी आंदी जा, पर एहदे कन्नो कन्नी इस गल्लै गी बी जकीनी बनाया जां जे एहदे मयार कन्नै कोई समझौता नेइ कीता जा। उनें आखेआ जे राजौरी च पानी दी किल्लत गी खत्म करने च इस प्रोजेक्ट दी मती महत्वपूर्ण भूमका रौहग।

<><><><><><>

President

राष्ट्रपति द्रौपदी मुर्मू होरें अज्ज नमीं दिल्ली च पैहले एशियाई बौद्ध सम्मेलन च हिस्सा लेंगन। 2 दिन दा एह सम्मेलन बौद्ध धर्म दी समृद्ध विरासत दी रेखाकित करोग। बौद्ध मत दे विशिष्ट प्रतिनिधि, विद्वान ते अनुयायी एहदे च शामिल होंगन। बैठक दरान बौद्ध समुदाय दे सामने आवा'रदी चुनौतिएं दे हल पर खास तौर पर बचार बमर्श होग। संस्कृति मंत्रालय नै अंतर्राष्ट्रीय बौद्ध परिसंघ दे सैहयोग कन्नै इस सम्मेलन दा आयोजन कीता ऐ। सम्मेलन दा विशे सार ऐ—एशिया गी मजबूत करने च बौद्ध धम्म दी भूमका।

<><><><><><>

JK-Bank

जम्मू कश्मीर बैंक नै केन्द्र शासत प्रदेश दिएं अपनिएं सब्बने शाखाएं गी सूचित कीता ऐ जे जिनें पेंशनरे सरकारी हुक्मै दे मताबक वेरिफिकेशन कराई लैती दी ऐ, उलेंगी 2024—25 आले माली ब'रे लेई “लाईफ सर्टिफिकेट” मतलब अपनी सलामती दा प्रमाण पत्र जमा करोआने लेई नेई आखेआ जा। उआं जारी अपने इक

हुकमै च बैंक नै आखेआ ऐ जे नवम्बर 2024 कोला उनें पेंशनरें दी पेंशन रोक़ी दित्ती जाग जिनें अजें तोड़ी अपनी वेरीफिकेशसन दी प्रक्रिया मुकम्मल नेई कीती दी ऐ।

<><><><><><>

PM Canada

प्रधानमंत्री नरेन्द्र मोदी होरें कनाडा च इक हिंदू मंदरै पर होए दे हमलू दी सख्त लफ्जें च निंदेया कीती ऐ। प्रधानमंत्री होर सोशल मीडिया पोस्ट च आखेआ जे भारतीय राजनियकें गी धमकाने दी कोशश बी कायराना हरकत ऐ। उनें आखेआ जे हिंसा दिएं ऐसियां घटना मुख्य दा संकल्प कमजोर नेई करी सकदियां। मोदी होरें कनाडा सरकार दी इस मामले च न्यांह जकीनी बनाने लेई आखेआ।

<><><><><><>

PM-Vishwakarma

सरकारै आखेआ ऐ जे पीएम-विश्वकर्मा स्कीम दे शुरू होने कोला लेइयै हुनै तगर ढाई करोड़ कोला मतियां दरखास्तां जमा करोहआई जाई चुकी दियां न। जिंदे चा 20 लख कोला मतिएं दरखास्तें गी कामयाबी कन्नै रजिस्टर बी करी लैता गेदा ऐ। रजिस्टर करने लेई जांच ते तसदीक आले त्रऊं चरणें गी पार करना होंदा ऐ। दरम्याने, लौहके ते भलेया लौहके एद्यमें सरबंधी मंत्रालय नै आखेआ ऐ जे इस स्कीम दी शुरूआत पिछले ब'रे सितम्बर म्हीने च कीती गई ही। जेहदा मकसद मुख्य भरै च दस्तकारें ते कारीगिरें गी सशक्त बनाना ऐ ते इस स्कीम दे बड़े गै सकारात्मक नतीजे सामने आवै करदे न। मंत्रालय नै दस्सेआ जे 10 लख कोला मते कारीगिरें गी उंदे कम्मै च इस्तेमाल होने आले औजारें-संदरें दे टूल किट उपलब्ध कराए गे न ते उनें गी 15 ज्हार रपे दी रकम ई-वोचरें दी शकली च उपलब्ध कराई गई ऐ।

<><><><><><>

FTII

भारतीय फिल्म ते टेलीविजन संस्थान एफटीआईआई दे इक विद्यार्थी दी फिल्म Sunflowers were the First Ones ti know नै ऑस्कर दी लाइव एक्शन लघु फिल्म श्रेणी आस्तै क्वालीफाई करी लैता ऐ। भारतीय लोक कथा ते परम्पराएं थमां प्रेरित, कन्नड़ भाषा दी इस फिल्म दा निदेशन चेडानानडा एस.नायक नै कीता ऐ। फिल्म नै इस ब'रे कान्स फिल्म फैस्टिवल च पैह्ला पुरस्कार जित्तेआ हा। माहिरें एहदी कथा वाचन शैली ते कुशल निदेशन दी सराहना कीती। एह फिल्म दशकें गी भारतीय संस्कृति ते कथा वाचन परम्परा कन्नै जोड़दी ऐ। फिल्म दी सफलता च सूरज ठाकुर दी सिनेमाटोग्राफली, मनोज वी. दा संपादन ते अभिषेक कदम दे साउंड डिजाइन सनं प्रतिभाशाली टीम दी महारत दा बड़डा योगदान ऐ।

<><><><><><>

Table Tennis

विश्व ओबल टेनिस फ्रैंकफर्ट चैंपियंस च अज्ज भारत दी श्रीजा अकुला अपने अभियान दी शुरूआत करगंन। जर्मनी च चलै करदी इस प्रतियोगिता च महिला सिंगल्स दे पैहले गेड़ च उंदा मकाबला प्यूटो रिको दी एड्रियाना डियाज़ कन्नै होग। एह्दे शा पैहले भारत दी मनिका बत्रा गी पैहले गेड़ च दक्खन कोरिया दी शिन यूबीन कोला हार दा सामना करना पेआ ते ओ प्रतियोगिता चा बाहर होई गई ही।

<><><><><><>